



SON AR GARANTE BARFET.

Var-ton : *Ton humeur est, etc.*

An Den Yaouanq.

LAQET eo en hor c'halonou
An dezir d'en em garet :
Unan demeus hon ezomou
Eo ar Garante Barfet.
Destinet eo da hep-unan ,
Gant eun urz leun a furnez ,
E stat hac e chang er bed-màn :
Darn zo contant , darn dies.

O compren gant attantion
Qementse , hac o selaou .
An ecleo demeus ar c'hanton ,
E respont ouz ar moeziou :
Me meus remerqet o tremen ,
Gant eun er guyè ha contant ,
Dre va c'hichen eur femelen ,
Pini a ra va zourmant.

Pa meus-hi gùelet o tostât ,
Oun commancet da grenâ ;
Bervi a rê ennôn va goad
Gant an aoun hac ar joa ;
Qer troublet e voa va speret ,
Qen em boa poan o parlant ;
Gouscoude e meus disclériet
Evellen va zantinant.

Bonjour déc'h , femelen charmant ,
Ha dign da veza caret ;
Ma ouffec'h e pez santinant

E moun-me en hoc'h andret ;
 Ma halfec'h güelet an tourmant
 Oc'h eus laqet em speret ;
 E teufec'h gant ampressamant
 Da zoulaji va c'hlenvet.

Aboe ma meus ho hanavet
 E concevis evidoc'h
 Eun amitié hac eur respet
 N'oufe get beza brassoc'h.
 Ret e ve dec'h beza ingrat ,
 Ma na zeut eus ho costez
 Da gavout anaoudeguez vat
 A guement a garantez.

Ar Plac'h.

Tavit gant ho complimentchou
 Hac ho fidelite vras ,
 C'houi a suppos santimantchou
 Ha n'oc'h eus santet biseoas ;
 Rac m'ho pije , a gueit anizer ,
 Evidon-me concevet
 Eun inclination sincer ,
 C'houi ho pije din'r merqet.

An Den Yaouanq.

Merqet e meus dec'h ho caren
 Dre va seçon da ober ;
 Honnes eo ar güella moyen
 Da dremen evit sincer :
 Mes cresqi a ran va zourmant ,
 Dre eun discours qer cruel ;
 E lec'h rei din soulajamant ,
 E teu't d'ober din mervel.

Ar Plac'h.

'Den yaouanq , c'houi c'hou preparat



Evel ma fot ho gentel ;
 Mes n'en doc'h get qen resolyet
 D'en em lezel da vervel.
 C'houi a fot dec'h va abusi
 Dre ho comzou studiet ;
 Ma ven sot avoalc'h d'ho credi ,
 C'houi' c'hoarzfe var va sujet.

An Den Yaouanq.

Plac'h yaouanq , mar carit sonjal
 E meur' boent eus va bue ,
 E velfec'h , elec'h godissal ,
 E laràn ar virione ,
 Rac en pep seurt occasion
 E meus roet dec'h da gompren ,
 Dre an hirvoud eus va c'halon ,
 Peguement en ho carrien.

Ar Plac'h.

Ne meus ho quelet oc'h ober
 Nemet 'vel meur a hini ;
 Dibot eo ar voaset sincer
 A eller da rancontri.
 Cessit ta d'am importuni ;
 Tavit gant hoc'h amitie ,
 Ha ne zeut mui d'en em vanti
 Gant ho foş fidelite.

An Den Yacuanq.

Oh na pebes tristediguez !
 O glac'har meurbet c'hoëro !
 N'oun get caret gant va mestrez :
 Güell ve din beza maro.
 An eol , dirac va daoulagad ,
 Ne ro mui a sclerijen ,
 Ha nemet er bez ne ven mad ,
 En creiz an deyalijen.

4
Ar Plac'h.

Truez a meus ouz ho quelet
En eur glac'har qer grevus ;
Ho calon a zo contristet,
Pe e zoc'h eun den tromplus.
Mes ma vouifen e vec'h sincer,
Den yaouanq, m'ho qemerfe
Eus a vrema da zervicher :
Marteze me ho carfe.

An Den Yaouanq.

C'houi, va mestrez, c'houi a blich din,
Dreist qement zo er bed-man,
Na bigen nicun na garin
Nemedoc'h-hu hoc'h-unan :
Quittet, quittet an douetanq
Hoc'h eus var va c'harante :
Me en tou dec'h, en assuranq,
Bigen nemedoc'h n'em be.

Ar Plac'h.

Sant Pêr en d'oa d'e Vestr touet
Enep e adversourien ;
Penos ne vije qet manqet
D'er zicour ha d'en difen ;
Allas ! ancouât a ras e le
Qent m'en d'oa ar c'hoc canet :
Ar Zant en devoa gouscoude
Teir goech e zianzavet.

An Den Yaouanq.

Sant Pêr en d'oa dianzavet
E Vestr mad dirac an oll ;
C'houi gauen a zo qer carot,
Qen a rafen ar c'hontrol,
Dirac an oll dud assambles,

Me zo prest da zisclèrya
 Penos eo c'houi sur va Mestrez,
 Va fijadur ha va joa.

Ar Plac'h.

Diganèc'h ne c'houlennàn get
 E teufec'h da bublia
 Ar pez biscoas n'oc'h eus sòhjet
 Marteze' bete vrema.
 Güell e ve ganèn e teufec'h.
 Dre eur sacrific benac,
 Da brouvi'din sclér em c'harec'h
 Gant eun intantiòn vad.

An Den Yaouanq.

Goulet diganèn, va Mestrez,
 Ar sacrific a guerfet;
 Goulet, mar qirit, va buez,
 Ne viot get refuset:
 Nemet ma ellin, qent mervel,
 Obten, epad va zourmant,
 Eus ho compassion eur zell,
 Ractal e yarvin contant.

Ar Plac'h.

Den yaouanq, me a meus clèvet
 E voac'h eon den variant,
 Oc'h éus, goude bout commancet,
 Torret meur' angajamant.
 Birviquen, hac er lavaràn,
 Ne recevin eur galon,
 E obteni ma ne allàn
 Dre eur guenta donéson.

An Den Yaouanq.

Pa form Doue ar femelen,
 E crou prest eur pâr dezi;

Mes pell e vent, mar en ordren,
 O daou en em rancontri.
 Rac se eta, angajamant,
 Promessa hac amitié,
 Grêt ouz re-all, a zo neant
 D'an eil evel d'eguilé.

Ar Plac'h.

Bremân me vel patant ha sclêr
 N'oc'h eus qen intantion
 Nemet da dremen hoc'h amzer
 Ouz va henti, va mignon.
 Abret eta va dilezet,
 Ha retornit adare,
 D'an hini oc'h eus prometet
 Da guenta ho carante.

An Den Yaouanq.

Va Mestrez, credi a ellet,
 Ouz oc'h anavout qentoc'h,
 Va speret na bermetje qet
 Carout nicun nemedoc'h:
 Ha mar be ret din separi
 Diouzoc'h, va c'harante,
 Ampoesonet gant an anui,
 Ne vo qet hir va bué.

Ar Plac'h.

Avoalc'h, avoalc'h, va servicher,
 Re e meus ho tourmantet,
 Rac brêmâ me anavez sclêr
 Peguement em çherisset.
 Mar e meus grêt d'éc'h anduri
 Eun trêtamant qer cruel,
 E voa evit hoc'h approuvi
 Ha gout ha c'houi voa fidel.

An Den Yaouanq.

O distro leun a garantez
 Hac a vir gompasion !
 Ha possubl e ve , va Mestrez ,
 E ve touchet ho calon !
 Beza' meus-me an esperanc
 Da velet fin d'am poanniou ,
 Ha da receo ar recompang
 Demeus va oll hirvoudou ?

Ar Plac'h.

Va mignon , sec'hit ho taelou ,
 Va Zervicher , me ho ped ,
 Hac en em cherissomp hon daou
 Gant eur garantez barfet.
 Eus va fers oc'h eus anduret
 An diveza affliction :
 Esperi a ran e teufet
 Da accordi din pardon.

An Den Yaouanq.

Evel ma ro ar gliz neve
 Ar vuez d'ar yeot sec'het ,
 Ho comzou a deu evelse
 Da zoulaji va speret ,
 Dre eun avis qer graciüs ,
 M'e meus esper da yeva ,
 Nonpas hepquen eun den eürus ,
 Mes eun den an eürussa.

Ho torn em hini , va Mestrez ,
 Ha touomp dirac an Ee
 Penos e vimp , hed hor buez ,
 Fidel an eil d'eguile.
 Né zónjomp mui en hor glac'har ,
 N'em garomp , ha ni gavo

Eur barados var an douar
Dre hor plijadurezon.

Var an douar ne zeus netra
Qer douç hac an esperanç ;
Alies e ra mui a joa
Eguet ar güir jouissanç :
Eur presant eo digant Doue
Do-zoulaji an natur ,
Hac e ve hon trompa' rafe ,
C'hoas e ra demp plijadur.

Roue an Ee hac an douar ,
Me hanvez ho madelez ,
Hac a rent déc'h enor ha gloar ,
Ha graçour a drugarez.
Déc'h-u oc'h-unan eo dleet
Da guenta va c'harantez ,
Goude-ze , mar er permetet !
He c'honservin d'am Mestrez.

C'houi , va Doue , oc'h eus formet ,
Dre eun-urz leun a furnez ,
Eva da Adam da bried ,
Hac o laçet assambles ,
Plijet ganéc'h , Oll-Buissant
E ve din-me destinet
Ar femelen-mà qer charmant ,
Oc'h eus grèt din da garet.

FIN.



E Montroulez , e ty LEDAN , Imprimer , e traon ru ar Vur.